

Presennol

Y Cynghorydd KL Rowlands – Cadeirydd

JPD Blundell
A Williams

M Jones
AJ Williams

RL Penhale-Thomas

RMI Shaw

Ymddiheuriadau am Absenoldeb

DG Howells

Swyddogion:

Lucy Beard
Meryl Lawrence

Swyddog Craffu
Uwch Swyddog Gwasanaethau Democraidd - Craffu

Gwahoddedigion:

Cynghorydd Stuart Baldwin

Cynghorydd Huw David

Deborah Exton

Cynghorydd Jane Gebbie

Lindsay Harvey

Carys Lord

Claire Marchant

Janine Nightingale

Cynghorydd Dhanisha Patel

Mark Shephard

Cynghorydd Charles Smith

Nigel Smith

Kelly Watson

Cynghorydd Hywel Williams

Arweinydd

Dirprwy Bennaeth Cyllid dros dro

Dirprwy Arweinydd ac Aelod Cabinet - Gwasanaethau

Cymdeithasol a Chymorth Cynnar

Cyfarwyddwr Corfforaethol – Addysg a Chymorth i Deuluoedd

Prif Swyddog - Cyllid, Perfformiad a Newid

Cyfarwyddwr Corfforaethol - Gwasanaethau Cymdeithasol a Lles

Cyfarwyddwr Corfforaethol - Cymunedau

Aelod Cabinet - Lles a Chenedlaethau Dyfodol

Prif Weithredwr

Aelod Cabinet - Addysg ac Adfywio

Rheolwr Cyllid

Prif Swyddog – Gwasanaethau Cyfreithiol, Adnoddau Dynol a

Rheoleiddio

Aelod Cabinet Adnoddau

52. DATGANIADAU O FUDDIANT

Datganodd y Cynghorydd Alex Williams fuddiant personol yn yr adroddiad ar Berfformiad y Cyngor yn erbyn ei ymrwymadau yn Chwarter 2, fel landlord preifat yn y Fwrdeistref Sirol.

53. PERFFORMIAD Y CYNGOR YN ERBYN EI YMRWYMIADAU YN CHWARTER 2 2021-22

Cyflwynodd y Prif Weithredwr yr adroddiad a dywedodd, oherwydd galwadau a blaenoriaethau newidiol, nad oedd yr un llinellau sylfaen na'r un cyfleoedd ar gyfer cymariaethau cenedlaethol mwyach. Dywedodd, er na fyddai cyflwyno grantiau busnes i fusnesau lleol, profi ac olrhain, na waith ychwanegol ym maes gofal cymdeithasol, cynorthwyo gyda'r rhaglen frechu a chyflwyno TGCh yn ymddangos o ran y mesuriadau hynny, roeddent wedi cymryd llawer o adnoddau, ymdrech ac egni dros y cyfnod. Dywedodd mai un o'r heriau oedd cyflawni'r pethau hynny mewn ymateb i'r pandemig

byd-eang a'r argyfwng iechyd cyhoeddus, yn ogystal â rhedeg gwasanaeth da yn gyson o fewn eu mecanwaith cynllunio.

Diolchodd y Cadeirydd i'r Prif Weithredwr am ei gyflwyniad, ac yn dilyn hynny gofynnodd Aelodau'r Pwyllgor y cwestiynau canlynol.

Gofynnodd Aelod sut yr oedd y Panel Asesu Perfformiad Corfforaethol yn gweithredu a sut y cafodd perfformiad ei sgorio'n wrthrychol. Nododd fod y Panel wedi gwahodd Cadeiryddion Craffu a gofynnodd am y cysylltiad rhwng barn Cadeiryddion Craffu â'r Panel a'u Pwyllgorau Craffu. O ran statws Coch, Melyn a Gwyrdd a naratif yn y dangosfyrddau, roedd yn credu bod cyfle i bwysleisio bod perfformiad yn cael ei asesu'n wrthrychol.

Ymatebodd y Prif Weithredwr fod y broses Asesu Perfformiad Corfforaethol yn feganwaith hirdymor o fewn yr Awdurdod a bod amryw o iteriadau wedi bod. Dywedodd ei fod yn ymwneud â Chyfarwyddiaethau unigol yn cael eu sesiynau eu hunain lle byddant yn cyfarfod ag Aelodau'r Cabinet a Chadeiryddion Craffu gydag Aelod her o'r Cabinet. Dywedodd mai ei ddiben oedd i bob Cyfarwyddwr fwrw ymlaen â'u dangosfyrddau a bod her a thrafodaeth i gael esboniad manwl lle nad oedd rhywbeth yn cyrraedd ei darged, y rhesymau a'r camau sy'n cael eu cymryd i wella pethau erbyn y chwarter a diwedd y flwyddyn ganlynol. Cefnogwyd y broses gan y Tîm Perfformiad a chyflwynwyd gwybodaeth yn gyson yn y dangosfyrddau

Dywedodd y Cadeirydd ei bod yn fodlon eu bod wedi craffu ar berfformiad drwy gydol y flwyddyn yn y Panel a'r Pwyllgor ac roedd yn ymwybodol bod y ddau gadeirydd Pwyllgor arall wedi derbyn gwybodaeth fanwl am eu Cyfarwyddiaethau i graffu ar y cynnwys.

Dywedodd Cadeirydd Pwyllgor Craffu Trosolwg Pwnc 2 ei bod wedi mynychu cyfarfodydd Asesu Perfformiad Corfforaethol i roi barn ar berfformiad ynghyd â'r Cadeiryddion Craffu eraill.

Dywedodd Cadeirydd Pwyllgor Craffu Trosolwg Pwnc 3 ei fod wedi cael gwahoddiad i'r cyfarfodydd Asesu Perfformiad Corfforaethol a oedd fel arfer yn cynnwys dau Gadeirydd, dau Aelod o'r Cabinet a dau Gyfarwyddwr yn ogystal â'r Prif Weithredwr. Dywedodd ei fod hefyd wedi cael cyfarfodydd gyda'i Gyfarwyddiaeth i drafod unrhyw faterion a ddaeth i'r amlwg ar gyfer craffu posibl gan y Pwyllgor.

Eglurodd y Prif Weithredwr fod y cyfarfodydd ar gyfer Chwarter 2 yn gyfarfodydd unigol a oedd yn canolbwyntio ar bob Cyfarwyddiaeth a'i pherfformiad yn hytrach nag un cyfarfod mawr ar gyfer holl berfformiad Cyfarwyddiaeth y Cyngor ar ddiwedd y flwyddyn.

Cyfeiriodd Aelod at y cwestiwn gwreiddiol ynghylch sut mae Cadeiryddion Craffu yn bwydo'n ôl i'w Pwyllgorau Craffu ac yn ceisio barn ar berfformiad y Cyfarwyddiaethau yn eu cylchoedd gwaith.

Dywedodd yr Uwch Swyddog Gwasanaethau Democrataidd - Craffu fod Cadeiryddion Craffu yn cael eu gwahodd i gyfarfodydd Asesu Perfformiad Corfforaethol i herio, ac yn dilyn hynny byddai dangosfyrddau perfformiad y Gyfarwyddiaeth yn cael eu hadrodd i'r Pwyllgor Craffu Trosolwg Corfforaethol gan roi cyfle i'r Aelodau hynny o'r Pwyllgor graffu ar berfformiad. Byddai Cadeiryddion Craffu wedyn yn ystyried canlyniadau ac argymhellion Craffu er mwyn dychwelyd a rhoi her yn yr Aseiad Perfformiad Corfforaethol nesaf.

Ychwanegodd Cadeirydd y Pwyllgor Craffu Trosolwg Pwnc 3 y gellid ystyried rhywbeth nad yw'n perfformio'n dda mewn Cyfarwyddiaeth yn dilyn Aseiad Perfformiad Corfforaethol a Chraffu Perfformiad i'w hychwanegu at Flaenraglen Waith y Pwyllgor fel

eitem ar gyfer craffu yn y dyfodol, ond bod angen yr amserlenni ar gyfer ceisiadau am adroddiadau i fod yn gyflawn.

Cytunodd Cadeirydd y Pwyllgor Craffu Trosolwg Pwnc 2 nad oedd digon o amser weithiau i newid yr agenda'n rhy agos at gyfarfod ac roedd angen iddynt reoli'r amserlenni ar gyfer adroddiadau ychwanegol.

Cytunodd y Cadeirydd ei fod yn ymwneud ag amseru a byddai'r Flaenraglen Waith ar gyfer y cylch nesaf o gyfarfodydd yn canolbwyntio ar y Strategaeth Ariannol Tymor Canolig a'r gyllideb a dywedodd mai canlyniad yr Asesiadau Perfformiad Corfforaethol oedd y Dangosfyrddau a adroddwyd i'r Pwyllgor hwn i gael eu craffu.

Ymatebodd yr Aelod fod llawer o waith paratoi y gellid ei wneud cyn cyfarfodydd. Croesawodd y Panel Asesu Perfformiad Corfforaethol ac yn meddwl y gallai Craffu edrych ar berfformiad corfforaethol cyffredinol yr Awdurdod.

Dywedodd yr Uwch Swyddog Gwasanaethau Democrataidd - Craffu, er ei bod weithiau yn rhy agos i gynnwys adroddiad pwnc newydd yn y Flaenraglen Waith ar gyfer y cyfarfod nesaf, fod cyfle fel arfer i ail-flaenoriaethu pynciau ar gyfer cyfarfodydd yn y dyfodol. Dywedodd, er eu bod yn canolbwyntio ar graffu ar y Strategaeth Ariannol Tymor Canolig a chynigion y gyllideb ddrafft yn y cylch nesaf o gyfarfodydd, y byddai cyfle i aildrefnu neu ailflaenoriaethu pynciau yn gynnar yn y flwyddyn neu gynnig pynciau i'w hystyried ar gyfer y flaenraglen waith nesaf ar gyfer y flwyddyn i ddod.

Cyfeiriodd Aelod at grantiau Cyfleusterau i'r Anabl ac y gallai gymryd blwyddyn i brosesu grant i bobl ag anableddau. Cyfeiriodd at yr ateb a gafodd ei adrodd yn ddiweddar i ddod â'r gwasanaeth yn fewnol o'i sefyllfa allanol, nad oedd eto wedi effeithio ar yr amser aros i bobl sy'n derbyn grantiau.

Atebodd y Prif Weithredwr ei bod yn siomedig nad oedd wedi gwella ond gofynnodd am gadw'r dyfarniad hwnnw nes bod y broses newydd wedi'i sefydlu a'i bod yn flaenoriaeth allweddol wrth symud ymlaen. Dywedodd ei bod wedi bod yn anodd cael mynediad i gartrefi pobl, ymgysylltu â chontractwyr a chyflogi staff oherwydd y pandemig, ond ei fod yn gobeithio gweld gwelliannau o'r newidiadau sydd wedi'u gwneud. Esboniodd fod rhai perchnogion tai wedi bod yn amharod i gael pobl yn eu cartrefi yn ystod y cyfnod hwnnw. O ran asesiadau risg, roeddent wedi ceisio cadw eu mynediad i gartrefi pobl at waith hanfodol. Cafodd ei gydnabod fod angen newid y gwasanaeth ac roedd y newidiadau a oedd yn cael eu gwneud yn atebion tymor canolig i hirdymor.

Gofynnodd Aelod a ellid mynd i'r afael yn rhannol â'r nifer uchel o ddiwrnodau i ddarparu Grant Cyfleusterau i'r Anabl drwy stopio'r cloc os yw'n aros am wybodaeth gan barti arall, y tu allan i reolaeth y Gwasanaeth.

Atebodd y Prif Weithredwr fod rhai awdurdodau eraill yn ei fesur yn wahanol ond roedd gwneud hynny'n amheus gan ei fod yn gwella sut roedd perfformiad yn edrych ond na fyddai'n newid y cyfnod o amser i'r preswlydd na'r canlyniad. Ychwanegodd eu bod wedi gwrthod gwneud hynny, at ddibenion cysondeb a chymhariaeth perfformiad dros y blynnyddoedd.

Dywedodd yr Aelod Cabinet dros Gymunedau, er na fu unrhyw gyfyngiadau i'w hatal rhag mynd i gartrefi pobl, y byddai rhai o'r bobl wedi bod yn agored i niwed ac yn gwarchod.

Ychwanegodd yr Arweinydd eu bod wedi ailfodelu'r system Grantiau Cyfleusterau i'r Anabl ac y byddai'r dangosydd yn gwella, ond nid ar unwaith.

Gofynnodd Aelod gan fod y swyddfeydd wedi'u cau yn ystod y pandemig a bod y staff wedi bod yn gweithio gartref, a oedd hynny wedi arwain at ddefnydd gwell a mwy doeth o adnoddau.

Dyweddodd y Prif Weithredwr fod y ffordd y mae'r Cyngor yn gweithredu wedi newid, felly o ran adnoddau roedd arbedion wedi'u gwneud, ond bu cynnydd yn y buddsoddiad gyda phobl sy'n gweithio gartref o ran pecyn TG i aelodau staff. Roedd yn broses barhaus, a byddai model darparu gwasanaethau'r Cyngor yn y dyfodol yn newid.

Cyfeiriodd Aelod at ganran yr anfonebau diamheuol a gafodd eu talu o fewn 30 diwrnod gan iddynt wedi bod yn cyflawni'r targedau yn y chwarteri blaenorol a'r effaith ar y cyhoedd pe na bai anfonebau'n cael eu talu mor gyflym ag yr oeddent yn gobeithio. Esboniodd eu bod wedi clywed am fusnesau'n cau yn ystod y pandemig a bod prinder arian a gofynnodd a allai talu anfonebau ar amser fod yn cael effaith.

Dyweddodd y Prif Swyddog - Cyllid, Perfformiad a Newid nad oedd ganddi'r wybodaeth wrth law ond y gallai ei darparu a rhannodd bryder yr Aelod ynghylch effaith bosibl talu anfonebau'n araf ar fusnesau yn yr ardal.

Cyfeiriodd Aelod at y dangosydd eiddo gwag a'r targed i gael saith cartref gwag y flwyddyn yn ôl i feddiant ac i'w defnyddio ac roedd yn pryderu mai dim ond dau a gyflawnwyd.

Eglurodd yr Aelod Cabinet dros Genedlaethau'r Dyfodol a Llesiant fod llawer o waith yn gysylltiedig, yn enwedig gydag eiddo gwag hirdymor. Gwyddai fod y Swyddogion wedi bod yn gweithio gydag eiddo a pherchnogion eiddo preifat yn ystod y pandemig a bod yr achosion a oedd wedi'u datblygu wedi bod yn llwyddiannus.

Awgrymodd Aelod y gellid cynnwys rhai sylwadau yn yr adroddiad lle nad oedd unrhyw sylwadau perfformiad ac er ei bod yn deall bod Covid wedi effeithio ar ddangosyddion, ychydig o sylwadau eraill a gynhwyswyd.

Dyweddodd yr Aelod Cabinet dros Genedlaethau'r Dyfodol a Llesiant y byddent yn edrych ar hynny ar gyfer y chwarter nesaf.

Gofynnodd Aelod am y gallu a'r cyfle posibl i adeiladu tai awdurdodau lleol fel yr oedd awdurdodau lleol eraill yn ei wneud.

Dyweddodd yr Aelod Cabinet dros Genedlaethau'r Dyfodol a Llesiant fod adolygiad o'r sefyllfa o ran tai a digartrefedd yn mynd rhagddo ar hyn o bryd a'i fod yn deall bod hanner cant o gyfweiliadau wedi bod hyd yma gyda gwahanol randdeiliaid a defnyddwyr gwasanaethau.

Dyweddodd y Prif Weithredwr fod angen sawl strategaeth, y gallai adeiladu cartrefi fod yn rhan ohonynt, ond roedd yn ateb tymor canolig ac roedd problemau tymor byr. Dywedodd fod yr agenda Tai a Digartrefedd yn enfawr, ac y byddai angen sawl menter i ymateb iddi yn ddigonol wrth symud ymlaen.

Gofynnodd Aelod y byddai cynnwys rhai sylwadau ar y set dargedau yn ddefnyddiol ar gyfer adroddiadau yn y dyfodol.

Gofynnodd Aelod i'r Prif Weithredwr a oedd yn teimlo bod ganddo ddigon o adnoddau dynol i ddelio â'r mater o ddod ag eiddo presennol yn ôl i'r farchnad dai, gan fod angen system gadarn arnynt lle y gallent elwa o'r landlordiaid preifat hynny a ddaeth ymlaen a chynnig eu heiddo.

Esboniodd y Prif Weithredwr fod sawl rhan o'r sefydliad a allai elwa o adnoddau ychwanegol, ond roedd yn ymwneud â blaenoriaethau a chydbwysedd. Wrth symud ymlaen pe gofynnid iddo nodi'r meysydd o bwysau mwyaf arwyddocaol, byddai'r rhain yn amlwg yn cynnwys Gofal Cymdeithasol ond hefyd Tai a Digartrefedd ac mae'n ddigon posibl y bydd angen iddynt ystyried ac addasu eu strwythurau i ymateb i hynny. Dywedodd fod sesiynau briffio wedi'u cynnal i geisio perswadio landlordiaid preifat i sicrhau bod eu cartrefi ar gael ond oherwydd bod y farchnad yn fywiog roedd pobl yn ymddangos yn awyddus i werthu.

Cyfeiriodd Aelod at y dangosydd perfformiad ynghylch Taliadau Tai yn ôl Disgresiwn, roedd yn meddwl tybed a oedd y cynnydd yn yr amser i ddarparu'r taliadau hynny wedi bod o ganlyniad i ddangosyddion perfformiad eraill lle'r oedd sylwadau wedi'u gwneud ynghylch taliadau hunan ynysu, nifer y galwadau sy'n mynd i mewn i'r Cyngor i ddelio â materion eraill a'r Taliad Cartrefi Cynnes gan Lywodraeth y DU.

Dywedodd y Prif Weithredwr fod y staff wedi bod o dan bwysau aruthrol gan fod lluo o bethau eraill y gofynnwyd iddynt eu cyflawni ar fyr rybudd. Esboniodd nad oedd ganddynt staff nac adnoddau ychwanegol ac yn ystod y flwyddyn roedd ganddynt gyfnodau sylweddol o salwch neu staff yn ynysu. Roedd yn her a welodd o ddydd i ddydd o ran sut yr ymatebodd yr Awdurdod i'r holl heriau hynny ar adeg pan oedd yn wynebu problemau sylweddol, yn enwedig yn ymwneud â'r gweithlu.

Ymatebodd y Dirprwy Bennaeth Cyllid eu bod, o ran y Taliadau Tai Yn ôl Disgresiwn, wedi cael arian ychwanegol y flwyddyn honno, felly bu mwy o arian i geisio'i weinyddu. Roedd y rhain hefyd wedi cael sawl grant ychwanegol arall i'w gweinyddu ar ran Llywodraeth Cymru; roedd y Taliadau Ynysu er enghraifft yn gymhleth ac roedd angen casglu llawer o wybodaeth ar gyfer pob cais felly roedd wedi cymryd cryn dipyn o amser staff a'r un staff oedd yn delio â nifer o grantiau gwahanol ar ben eu swyddi o ddydd i ddydd.

Cyfeiriodd Aelod at y targed a gynhelir ar y lefel honno oherwydd newidiadau posibl yn y mecanwaith cyflawni a gofynnodd a oeddent yn amau y byddai'n symud i sefyllfa well yn ystod y flwyddyn

Dywedodd y Dirprwy Bennaeth Cyllid, o ran y cyllid a oedd ar gael iddynt ar gyfer y flwyddyn, y gallai gadarnhau eu bod yn targedu'r bobl yr oeddent yn gwybod eu bod yn gymwys, a'u bod am wneud y defnydd gorau o'r cyllid i'r rhai sy'n gymwys

Awgrymodd Aelod y byddai cynnwys sylw bod staff yn gweithio ar roi taliadau am nifer o grantiau eraill yn ystod y pandemig yn ddefnyddiol, i egluro pam y bu cynnydd yn yr amser i ddarparu taliadau dros y flwyddyn ddiwethaf.

Cyfeiriodd y Cadeirydd at Atodiad B - Dangosfwrdd Perfformiad Cymunedau a dywedodd fod dangosyddion perfformiad yn wyrdd ond cynigiodd y gellid cynnwys sylwadau perfformiad fel tystiolaeth.

Dywedodd y Cyfarwyddwr Corfforaethol - Cymunedau fod y dangosfwrdd yn ffordd o fesur i ddangos ble'r oeddent, ond yr hyn oedd yn fwy perthnasol oedd pan aethant i fanylion y dangosyddion perfformiad y tu ôl i'r amcanion hynny lle dylent weld lefel o fanylion.

Cyfeiriodd Aelod at y sgôr statws gwyrdd, oherwydd yn achos nifer yr eiddo gwag yng nghanol trefi nid oedd targed ar gael iddynt.

Eglurodd y Cyfarwyddwr Corfforaethol - Cymunedau fod yr effaith economaidd mewn rhai ardaloedd wedi bod yn eithaf difrifol i ganol tref Pen-y-bont ar Ogwr ac wrth edrych

ar y sefyllfa adwerthu fyd-eang roedd cryn dipyn o gwmnïau wedi peidio â masnachu. Dywedodd eu bod am gael llinell sylfaen i weld faint o eiddo masnachol gwag a oedd yno o ganlyniad ar ddiwedd y pandemig ac yna defnyddio hynny fel eu man cychwyn i weithio ymlaen a gweld a allant helpu pobl i gael yr eiddo hynny'n ôl i gael eu defnyddio unwaith eto. Dywedodd beth yr oeddent wedi bod yn ei wneud a'r hyn nad oedd wedi dod i ben yn ystod y pandemig oedd defnyddio arian llywodraeth Cymru i drawsnewid arian trefi i roi grantiau yng nghanol eu trefi. Nid oedd y gwaith wedi stopio y tu ôl i'r llenni ac roedd llawer o hanes y tu ôl iddo ac roedd angen iddynt ddod o hyd i ffordd o'i gipio, a dyna pam y cafodd ei ystyried yn wyrdd.

Gofynnodd Aelod a oedd y Cyfarwyddwr Corfforaethol - Cymunedau yn disgwyl i hynny newid yn chwarter tri.

Dywedodd y Cyfarwyddwr Corfforaethol - Cymunedau nad oedd yn credu y byddent yn gweld unrhyw newid eleni a'r peth pwysig fyddai cael yr wybodaeth sylfaenol yn gywir ac yna edrych eto o chwarter un y flwyddyn nesaf lle'r oeddent a'r hyn yr hoffent ei gyrraedd o ran niferoedd eiddo yn ogystal â gweld gwelliant fel rhan o'u Cynllun Adfer Economaidd.

Gofynnodd Aelod a oedd hyn yn cyd-fynd ag awdurdodau lleol eraill ac a oeddent yn mynd yn ôl i sefyllfa feincnodi oherwydd Covid.

Ymatebodd y Cyfarwyddwr Corfforaethol - Cymunedau y byddai'n rhaid meincnodi llawer, ond iddynt hwy y rhan bwysig ar ôl y pandemig oedd sicrhau eu bod yn mesur y pethau a oedd yn cael effaith.

Eglurodd yr Aelod Cabinet dros Gymunedau, pe baent yn berchen ar yr eiddo, y byddai ganddynt fwy o reolaeth drostynt, ond nad oedd yr Awdurdod yn berchen ar unrhyw eiddo manwerthu yng nghanol tref Pen-y-bont ar Ogwr, ac roeddent yn aml yn delio â landlordiaid a oedd wedi'u lleoli'n genedlaethol neu'n rhyngwladol.

Holodd Aelod am y coch yng Ngorchymyn Cydsyniad Datblygu 16.9 – Gwireddu targedau derbyniadau cyfalaf.

Dywedodd y Cyfarwyddwr Corfforaethol - Cymunedau mai eu targed derbynebau cyfalaf oedd hyn, felly wrth gael gwared ar yr eiddo hynny byddent yn cael derbynneb, ac er ei fod yn ymddangos fel coch yn chwarter dau, byddai'n wyrdd erbyn chwarter pedwar.

Gofynnodd yr Aelod os mai cynllun ar gael pam yr oedd y dangosydd yn goch ac nid yn oren.

Eglurodd y Cyfarwyddwr Corfforaethol - Cymunedau, os oeddent 10% yn is na'r targed, fod yn rhaid iddynt ei ddangos fel coch Esboniodd fod cydymffurfiaeth yn golygu bod yr holl ardystiadau wedi'u sefydlu, bod yr eiddo wedi'i archwilio ac nad oedd unrhyw ddiffygion ar y system a bod ardystiad wedi'i lanlwytho. Esboniodd mai'r meysydd mwyaf o risgiau oedd trydanol, nwy, clefyd y lleng filwr, a risg tân fel y byddent yn canolbwyntio ar yr ardaloedd hynny wrth symud ymlaen. Dywedodd eu bod am gyflwyno system rheoli gwaith integredig newydd o'r enw Tech Forward a fyddai'n rhoi golwg fyd-eang ar eu system fel y gallent weld ble roedd pob adeilad wedi'i leoli a pha offer oedd ynddo. Byddent hefyd yn gallu gweld beth oedd y sefyllfa o ran cydymffurfio, a gallai contractwyr hefyd lanlwytho'r ardystiad i'r ffynhonnell honno. Daeth i'r casgliad, er ei fod wedi'i gategoreiddio'n goch, nad oedd yn golygu nad oedd eu hadeiladau'n ddiogel, ond nad oeddent yn cydymffurfio lle'r oedd angen iddo fod.

Gofynnodd yr Aelod a fyddai'n bosibl cynnwys diogelwch yn yr adroddiad hefyd fel y gallent weld yr agwedd ar ddiogelwch o'i gymharu â'r cydymffurfiaid.

Ymatebodd y Cyfarwyddwr Corfforaethol - Cymunedau na fyddai'n lle priodol gan y byddai diogelwch yn rhan o gyfarfodydd a threfn lechyd a Diogelwch a fyddai ar wahân.

Ychwanegodd yr Aelod Cabinet dros Gymunedau lle'r oedd ganddynt adeiladau a gaewyd, ni fyddai unrhyw staff na mynediad i'r cyhoedd. Dywedodd eu bod wedi cael trafodaethau helaeth am sut yr oeddent yn monitro ac yn adrodd ar gydymffurfiaeth a diogelwch.

Gofynnodd Aelod am ba hyd y byddai'n ei gymryd i sefydlu safleoedd a oedd wedi'u cau a'u hail-agor eto e.e. Ystafelloedd newid Caeau Trecelyn.

Eglurodd y Cyfarwyddwr Corfforaethol - Cymunedau fod yn rhaid profi unrhyw gyfleuster a oedd â dŵr ynddo ar gyfer clefyd y lleng filwyr ac na ellid gwneud hyn tan saith diwrnod cyn agor cyfleuster ac er bod ganddynt gwmni i wneud y profion ar eu cyfer, roedd yn rhaid iddynt edrych ar orchymyn blaenoriaeth. Mynegodd yr hyn na allent ei wneud oedd bod yn amharod pan ddaeth i faterion iechyd a diogelwch ac nad oeddent yn mynd i agor y cyfleusterau nes eu bod yn gwybod eu bod yn ddiogel, ond roedd yn gwerthfawrogi y gallai hynny fod wedi bod yn rhwystredig mewn rhai achosion.

Cyfeiriodd Aelod at y dangosydd Trosglwyddo Asedau Cymunedol a oedd yn wyrdd a gofynnodd pam yr oedd Cyngor Cymuned Coety Uchaf ar y rhestr gan nad oedd yn credu bod unrhyw beth heb ei gwblhau. Holodd hefyd pam nad oedd sôn am y parciau chwarae gan fod pwysigrwydd a buddsoddiad mewn parciau chwarae wedi'u codi mewn cyfarfod blaenorol, ond nid oedd yn yr adroddiad i ddangos sut yr oeddent yn gwneud. Yn olaf, cyfeiriodd at y nifer uchel o Anhwyldeira Cyhyr Ysgerbydol (MSD), gan gynnwys diwrnodau salwch cefn a gwddf a gollwyd a chododd ei phryderon oherwydd bod llawer o godi a chario mewn Cymunedau, a'r potensial ar gyfer hawliadau o anaf sy'n gysylltiedig â gwaith.

Dywedodd y Cyfarwyddwr Corfforaethol - Cymunedau y dylai'r Trosglwyddiadau Asedau Cymunedol fod yn wyrdd gan fod pethau wedi symud ymlaen ers adroddiad chwarter un. Canmolodd y Swyddog Trosglwyddo Asedau Cymunedol a'i dîm am wneud gwaith gwych ar ôl prosesu nifer sylweddol o drosglwyddiadau'r flwyddyn honno.

Ategodd yr Arweinydd sylwadau'r Cyfarwyddwr Corfforaethol - Cymunedau a dywedodd fod adroddiad yn cael ei baratoi a bod llawer o ddiddordeb a phartneriaethau cryf gyda Chynghorau Cymuned a Chlybiau Chwaraeon.

Cynghorodd y Cyfarwyddwr Corfforaethol - Cymunedau ynghylch y diwrnodau salwch a'r cwestiwn am anafiadau sy'n gysylltiedig â gwaith, roedd ganddynt lawer o weithwyr llaw a gwasanaethau rheng flaen o fewn y Gyfarwyddiaeth Gymunedau, felly roedd ganddynt anafiadau i'w cefnau a'u gyddfau ac, ar y cyfan, gallai'r rhain fod o ganlyniad i amgylchiadau gwaith, ond efallai nad oeddent yn ganlyniad i arferion gwaith. Ym maes lechyd a Diogelwch, roeddent yn edrych ar fesurau a fyddai'n lleihau nifer yr anafiadau a byddent yn sicrhau bod eu dulliau gwaith yn ddiogel e.e., defnyddio monitorau ar offer torri gwair er mwyn rhoi'r gorau i ddefnyddio'r peiriannau hyn ar bwynt penodol oherwydd amser a hyd ddirgryniadau. Roedd yn bwysig lliniaru risg cyn belled ag y bo modd.

Eglurodd y Cyfarwyddwr Corfforaethol - Cymunedau eu bod eleni wedi gwneud ymdrech ar y cyd i gael rhaglen gyfalaf ar gyfer gwella ardaloedd chwarae. Un o'r uchelgeisiau oedd adfywio ac adnewyddu'r holl ardaloedd chwarae ar draws y fwrdeistref o fewn y pum mlynedd nesaf. Dywedodd fod angen rhaglen dreigl o fuddsoddiad cyfalaf arnynt, sef yr hyn yr oeddent yn gweithio arno ar hyn o bryd a dangosydd rhaglen fel y gallent

ddweud faint yr hoffent ei dargedu yn y flwyddyn benodol honno a monitro'r cynnydd. Ar hyn o bryd roeddent yn gweithio ar y rhaglen honno'n mynd allan i dendro.

Cyfeiriodd Aelod at PAM/010 ar yr adroddiad a'r diffiniad, a oedd yn nodi bod canran y priffyrdd a arolygwyd o safon uchel neu dderbyniol o lendid ar gyfradd glendid clodwiw o 98.6% a gofynnodd beth oedd y safon honno.

Dywedodd y Cyfarwyddwr Corfforaethol - Cymunedau na allai ddarparu'r union ddiffiniad ond byddai'n gofyn i Reolwr Grŵp Priffyrdd a Mannau Gwyrdd ymateb i'r Aelod gyda'r meini prawf manwl.

Ymatebodd yr Aelod, er ei fod wedi edmygu'r tîm a oedd yn gweithio yn y Cwm, fodd bynnag, nid oedd eu cylch gwaith glanhau strydoedd yn cynnwys cael gwared ar bethau fel dail a oedd wedyn yn cael effaith ganlyniadol ar y tîm draenau pan oedd draenau'n cael eu rhwystro. Awgrymodd y gallai ysgubwyr fod yn ddefnyddiol i glirio'r strydoedd ar ei wardiau ef a wardiau eraill.

Ymatebodd y Cyfarwyddwr Corfforaethol - Cymunedau eu bod wedi dechrau ailgylchu casglu sbwriel gwastraff stryd, felly roedd y gweithredwyr yn casglu eitemau y gellid eu defnyddio ar gyfer eu targedau ailgylchu. Nid oedd hynny'n golygu na allent glirio'r strydoedd hynny o ddeunyddiau eraill a byddai'n siarad â'i thîm am hyn.

Cyfeiriodd y Cadeirydd at Atodiad C – Dangosfwrdd Perfformiad Addysg a Chymorth i Deuluoedd.

Gofynnodd Aelod sut olwg fyddai ar ysgol yr 21ain ganrif

Dywedodd y Cyfarwyddwr Corfforaethol - Addysg a Chymorth i Deuluoedd fod Canllawiau wedi'u cyhoeddi gan Lywodraeth Cymru a oedd yn nodi'r gofynion o ran pob adeilad newydd, o ran datblygiadau ecolegol a gofynion ar gyfer addysgu a dysgu ac argaeledd i ardaloedd chwarae, a nodir i gyd yn ôl deddfwriaeth. Roedd sawl maes allweddol i sicrhau bod amgylcheddau'n ddiogel i ddefnyddwyr ac yn gynaliadwy ac nid yn unig o ddatgarboneiddio ac agweddau eraill ond yn gynaliadwy yn ariannol i'r Cyngor.

Gofynnodd yr Aelod a oedd i Ysgol yr 21ain Ganrif fod yn adeilad newydd gan y byddai hynny'n golygu oedi hir ac a ellid defnyddio arian ysgol i wella amgylchedd ysgolion presennol yn hytrach nag aros i ailadeiladu bob tro.

Eglurodd y Cyfarwyddwr Corfforaethol - Addysg a Chymorth i Deuluoedd fod ganddynt Fwrdd Moderneiddio Ysgolion a oedd hefyd yn elwa o gynrychiolaeth gan y Gyfarwyddiaeth Gymunedau, Consortiwm Canolbarth y De ac Iechyd a Diogelwch. Drwy'r Bwrdd hwnnw maent yn gwneud penderfyniadau strategol, yna mewn ymgynghoriad ag Aelodau etholedig y Rhaglen Gwella Cyfalaf a aeth i'r Cyngor ac yna maent yn defnyddio hynny ar yr angen mwyaf. Esboniodd fod tair haen, sef gofynion Iechyd a Diogelwch, y lefel nesaf yw'r Gofyniad Strategol a'r drydedd lefel oedd cyfleusterau dysgu ychwanegol i athrawon yn yr ysgolion. Daeth i'r casgliad ei fod wedi mynd drwy ddull trwyadl ac nid dim ond rhaglen Ysgolion yr 21ain Ganrif a cholegau y gallai'r ysgolion elwa ohoni.

Dywedodd yr Aelod Cabinet dros Addysg ac Adfywio y byddai'n rhaid iddo fod yn adeilad newydd a dilyn manylebau penodol, ond ei fod yn fwy cymhleth na hynny ac nad oedd darparu ysgol newydd o reidrydd yn darparu ysgol well. Yr hyn a oedd yn bwysig oedd bod y staff, y disgyblion, y rhieni a'r llywodraethwyr yn gweithio gyda'i gilydd yn yr adeilad hwnnw.

Dywedodd yr Arweinydd ei bod yn bosibl i Raglen Moderneiddio Ysgolion yr 21ain Ganrif ailddatblygu ysgolion presennol ond cyfaddefodd mai un o'r heriau gyda safleoedd presennol oedd eu bod wedi'u cyfyngu ac nad oedd ganddynt y gofod awyr agored a oedd yn ofyniad sylfaenol.

Cyfeiriodd yr Aelod at DCH 2.1, pwynt 11.1 a 2 a chanran y capasiti dros ben mewn ysgolion cynradd ac uwchradd a oedd yn bwysig gan ei fod yn dylanwadu ar gyllidebau ysgolion ac yn gofyn beth oedd yr oedi wrth ad-drefnu'r dalgylchoedd. Roedd o blaid rhoi tocynnau bws i blant ysgol uwchradd a cholegau, fel bod ganddynt y rhyddid i deithio.

Gofynnodd Aelod arall am eglurhad ynghylch a oedd y dangosyddion yn goch oherwydd nifer y lleoedd yn eu hysgolion a holodd ble'r oedd y gwargedau hyn.

Dywedodd y Cyfarwyddwr Corfforaethol - Addysg a Chymorth i Deuluoedd mai un o'r heriau a oedd ganddynt o ran y dalgylchoedd oedd dewis y rhieni. O ran lleoedd gwag, roedd rhai ardaloedd o fewn yr awdurdod lleol lle cawsant eu pwysu am leoedd mewn rhai grwpiau blwyddyn ac roedd gan grwpiau blwyddyn eraill leoedd gwag. Roedd gan rai ysgolion leoedd gwag sylweddol, yn enwedig yn y sector uwchradd. Roeddent wedi edrych ar sganio'r Cynllun Datblygu Lleol am leoedd ychwanegol. Roedd gwaith ychwanegol yn mynd rhagddo drwy'r Bwrdd Moderneiddio Ysgolion i edrych ar gynnydd posibl. Roedd llawer o waith yn mynd rhagddo yn y cefndir, ac yn amodol ar rywfaint o gyllid gan Lywodraeth Cymru.

O ran y tocynnau bws, roeddent yn awyddus iawn, yn enwedig gyda dysgwyr ôl-16 i roi'r hyblygrwydd i bobl ifanc fynychu cyrsiau lle'r oedd angen iddynt a chynyddu eu cyfleoedd mewn bywyd yn y dyfodol. Roedd disgwyl adroddiad gan Lywodraeth Cymru ar y sefyllfa o ran cludiant o'r cartref i'r ysgol, gan ei bod yn gwneud synnwyr i gysoni eu blaenoriaethau hirdymor â pholisi gan Lywodraeth Cymru.

Ymatebodd yr Aelod Cabinet dros Addysg ac Adfywio ei fod yn sefyllfa gymhleth a bod cyfres o heriau. Yr allwedd yn y tymor hwy oedd edrych ar eu Cynllun Datblygu Lleol, ac roedd Adran Addysg y Cyngor yn cyfathrebu â'r Adran Gynllunio o ddechrau'r broses cynllunio datblygu lleol. O ran y tocyn bws 16 oed a throsodd, roedd ganddynt uchelgais ehangach ar gyfer tocyn bws mwy cyffredinol i bobl ifanc, yr oeddent wedi bod yn siarad â First Cymru yn ei gylch, ond byddai angen i ddeddfwriaeth ddod gan y Llywodraeth ynghylch comisiynu gwasanaethau trafndiaeth.

Gofynnodd Aelod am sicrwydd ar bwynt WBO3 2.5 gyda'r ffyrdd o addasu o ddefnyddio technoleg, dywedodd, er bod offer wedi'i gyflwyno i ysgolion a bod y sefyllfa'n parhau, ei bod wedi'i gweld yn adrodd i *Childline* y bu cynnydd o 40% mewn cam-drin ar-lein ac a oedd hynny'n dod o fewn cylch gwaith y dangosydd hwn.

Dywedodd y Cyfarwyddwr Corfforaethol - Addysg a Chymorth i Deuluoedd nad oedd fel y dangosydd yn ymwneud mwy â defnyddio systemau technolegol. Mynegodd fod y cwestiwn a godwyd yn un pwysig a bod diogelu o fewn pob agwedd ar yr hyn a wnânt. Esboniodd fod ganddynt 23,000 o ddefnyddwyr ynghyd â 3000 o staff mewn ysgolion, ac roedd angen iddynt sicrhau eu bod yn dilyn y polisïau priodol.

Holodd Aelod am yr 'absenoldeb salwch ychwanegol yn ôl rhesymau' a gofynnodd a oedd hynny'n cynnwys yr holl staff, gan eu bod wedi dweud eu bod wedi gwahaniaethu rhwng staff yr ysgol a'r maes gwasanaeth, ac a oedd y tabl terfynol yn cynnwys yr holl staff. Roedd hi hefyd yn meddwl tybed, wrth edrych ar y rhesymau dros absenoldeb oherwydd salwch, os mai un o'r prif resymau oedd anafiadau cyhyrsgerbydol yn ymwneud â gwaith a damweiniau mewn ysgolion, gan ei fod yn nifer uchel ac nad oedd llawer o godi a chario mewn ysgolion.

Dywedodd y Cyfarwyddwr Corfforaethol - Addysg a Chymorth i Deuluoedd y byddai angen iddo holi'r Adran Adnoddau Dynol ynghylch y ddau dabl a'r ffigurau diwethaf. Roedd gan y tabl cyntaf ar yr ochr chwith eu swyddogion a'r un nesaf y 3000 o staff ysgol. O ran yr achosion ac a oeddent yn ymwneud â'r anaf diwydiannol, roedd yn ymddangos eu bod yn anghyson gan eu bod yn adrodd am achosion isel o anafiadau diwydiannol ac yn uwch gyda materion ysgerbydol cyhyrol, ond byddai'n gwirio gydag Adnoddau Dynol.

Cyfeiriodd y Cadeirydd at Atodiad D - dangosfwrdd perfformiad Gwasanaethau Cymdeithasol a Llesiant.

Cyfeiriodd Aelod at y rhai sy'n gadael gofal a materion yn ymwneud â llety a sicrhau bod pawb yn gweithio gyda'i gilydd a gofynnodd am yr wybodaeth ddiweddaraf am y gweithgor a sefydlwyd i gau'r bwlc hwnnw.

Dywedodd y Cyfarwyddwr Corfforaethol - Gwasanaethau Cymdeithasol a Llesiant y byddai gweithdy manwl yn cael ei gynnal rhwng cydweithwyr Tai a Gwasanaethau Cymdeithasol lle byddent yn gweithio drwy'r asesiad sylfaenol a fyddai'n arfer da o ran llety, y rhai sy'n gadael gofal a phlant â phrofiad o ofal. Fe'i datblygwyd ychydig flynyddoedd ynghynt gan Barnardos a byddai adroddiad yn cael ei gyflwyno i Bwyllgor Rhianta Corfforaethol nesaf y Cabinet i nodi ble'r oeddent, lle'r oedd eu meysydd arfer da, pe bai unrhyw fylchau a'u blaenoriaethau'n symud ymlaen. Dywedodd mai'r peth pwysicaf oedd bod plant gofal yn cael y flaenoriaeth y dylent ei chael ar gyfer llety, ond hefyd nad oedd unrhyw gymhellion gwrthnysig i blant a phobl ifanc ddatgan eu bod yn ddigartref i gael y cymorth, a byddai'r manylion yn cael eu hystyried yn y gweithdy.

Cyfeiriodd Aelod at y strwythur staffio a gofynnodd a oedd diweddariad.

Eglurodd y Cyfarwyddwr Corfforaethol - Gwasanaethau Cymdeithasol a Llesiant fod y gweithlu yn fater o bwys ac yn brif flaenoriaeth. Esboniodd fod dau faes allweddol i'w herio o ran y gweithlu, un ohonynt oedd y gweithlu gofal cartref, lle'r oedd nifer o gamau gweithredu ar waith. Y maes allweddol arall iddynt o ran y gweithlu oedd gwaith cymdeithasol plant, dywedodd eu bod wedi bod drwy ddau gyfnod ailstrwythuro o fewn eu timau gwaith cymdeithasol plant a oedd wedi arwain at strwythur gwahanol o ran cyflog, lle mae gweithwyr cymdeithasol plant profiadol yn rhan o'u gwaith prisio, a ble i osod hysbysebion ar y graddau uwch hynny. Pe na baent yn llwyddiannus, byddent yn edrych ar amrywiaeth o fecanweithiau cymorth eraill ar gyfer eu gweithwyr cymdeithasol ac efallai y bydd angen iddynt ystyried cais drwy'r polisi atodol i'r farchnad a gafodd ei gymeradwyo gan y Cyngor

Dywedodd yr Aelod Cabinet dros Wasanaethau Cymdeithasol a Chymorth Cynnar eu bod yn hysbysebu eu holl swyddi gwaith cymdeithasol a gofal drwy ymgyrchoedd recriwtio ar draws y Fwrdeistref Sirol a byddent yn gwerthfawrogi'r holl Aelodau'n rhannu'r wybodaeth hon ac yn annog pobl i ymgymryd â'r rolau hyn.

Gofynnodd Aelod a oedd dangosydd ar gyfer nifer yr ymweliadau cartref statudol i blant.

Ymatebodd y Cyfarwyddwr Corfforaethol - Gwasanaethau Cymdeithasol a Llesiant ei fod yn un o'u mesurau perfformiad allweddol ac yn un o'r mesurau cenedlaethol o ran ymweliadau statudol â phlant ar y gofrestr amddiffyn plant. Esboniodd ar ddechrau'r pandemig eu bod yn gweithio mewn ffordd a aseswyd o ran risg ond ers peth amser ac yn unol â model gweithredu Llywodraeth Cymru roedd yr ymweliadau wedi bod wyneb yn wyneb, gan fod y risg o beidio ag ymweld wedi cael eu hystyried yn uwch. Dywedodd am yr heriau yr oeddent yn eu hwynebu o ran perfformiad yn erbyn ymweliadau statudol ac edrychwyd ar y mesurau perfformiad hynny'n wythnosol o fewn y Tîm Rheoli Gwasanaethau Plant ac yn fisol o fewn Tîm Rheoli'r Gyfarwyddiaeth.

Cyfeiriodd Aelod at nifer y bobl 65 oed a throsodd a gafodd eu cyfeirio at y Tîm Adnoddau Cymunedol ac o ystyried y cyd-destun yr oeddent wedi bod yn gweithio ynddo yn ystod y ddwy flynedd ddiwethaf, roedd wedi bod yn llawer is. Bu llawer o sgwrsio am y gweithlu, a thybiodd y byddai'r atgyfeiriadau hynny'n cynyddu, o bosibl yn chwarter tri, yn chwarter pedwar ac i mewn i'r flwyddyn nesaf, a gofynnodd a oedd ganddynt y gallu i ddelio â'r hyn a allai fod yn ddylifiad sylweddol.

Dywedodd y Cyfarwyddwr Corfforaethol - Gwasanaethau Cymdeithasol a Llesiant mai'r pryder oedd bod eu system gyfan o dan bwysau a oedd yn golygu bod ganddynt nifer o bobl a oedd ag oedi wrth drosglwyddo gofal yn y Tîm Adnoddau Cymunedol a byddai pobl a oedd â'u hanghenion gofal yn cael eu diwallu ac yn elwa o becynnau gofal cartref hirdymor ond heb gael y cyfle hwnnw i gael eu hail-alluogi. Roedd cefnogi pobl i gadw ac adennill annibyniaeth yn cymryd mwy o'u gofal hirdymor a oedd yn adnodd prin iawn a gwerthfawr, felly roedd yn bryder sylweddol ac yn rhywbeth yr oeddent i'w ystyried wrth gynllunio ar gyfer yr anghenion a oedd yn dod drwy weithio gyda'u cydweithwyr yn y Bwrdd Iechyd.

Dywedodd y Cadeirydd nad oedd unrhyw gwestiynau pellach gan Aelodau'r Pwyllgor i'r Gwahoddedigion ar gyfer yr adroddiad hwn, diolchodd i'r Gwahoddedigion am ddod i'r cyfarfod a dywedodd y gall Gwahoddedigion nad oedd wedi gofyn i fynychu ar gyfer yr adroddiad nesaf adael y cyfarfod.

PENDERFYNWYD: Hynny gan roi sylw i ystyried cynnwys yr adroddiad a'r ymatebion i'r cwestiynau a ofynnwyd, Cymeradwyodd y Pwyllgor yr adroddiad.

54. **CYNLLUN CORFFORAETHOL 2018-23 ADOLYGIAD AR GYFER 2022-2023**

Cyflwynodd y Prif Swyddog - Cyllid, Perfformiad a Newid yr adroddiad, ar y Cynllun Corfforaethol a oedd wedi'i ddiweddarau ar gyfer 2022-23. Esboniodd fod y broses wedi cynnwys Prif Swyddogion a Thimau Rheoli, gan eu galluogi i edrych ar ba flaenoriaethau a fydd yn y dyfodol. Dywedodd mai'r hyn a welsant yn y rhaglen wedi'i diweddarau oedd y cynllun diwygiedig ar gyfer y flwyddyn i ddod a byddai perfformiad yn erbyn y Cynllun yn cael ei fonitro gan y Pwyllgor hwn yn ogystal â rhai agweddau sy'n cael eu monitro gan y Pwyllgor Llywodraethu ac Archwilio, felly byddai cyfleoedd i Aelodau edrych ar gynnydd yn erbyn y Cynllun Corfforaethol.

Gofynnodd Aelod i'r Arweinydd a oedd yn credu y byddai'r Cynllun Corfforaethol yn ddigon uchelgeisiol wrth symud ymlaen wrth iddynt symud allan o'r pandemig.

Ymatebodd yr Arweinydd ei bod wedi bod yn anodd gyda'r pandemig i fod mor uchelgeisiol ag y byddent wedi dymuno ond nad oedd wedi diflannu a dyma'r her fwyaf yr oeddent yn ei hwynebu o hyd. Fodd bynnag, byddent yn ceisio adolygu'r Cynllun Corfforaethol a'i wneud mor uchelgeisiol â phosibl. Roedd am wneud pwynt er bod rhai o'r heriau hyn wedi bodoli ers peth amser ac nid oeddynt yn mynd i ddiflannu pan ddaeth y pandemig yn endemig.

Roedd y Prif Weithredwr am ychwanegu mai hwn oedd yr adolygiad diwethaf o'r Cynllun Corfforaethol pum mlynedd ac un o'r pethau y byddent yn ei wneud ar ôl yr etholiad, er y gallai llawer o'r heriau a'r blaenoriaethau aros yr un fath, efallai y bydd ffocws gwahanol a fyddai'n bwydo i mewn i'r Cynllun Corfforaethol newydd. Esboniodd na fydddech, mewn rhai ffyrdd, yn disgwyl i flwyddyn olaf cynllun wyro'n rhy bell o'r hyn yr oeddent wedi bod yn ei wneud dros y blynyddoedd diwethaf a chytunodd â'r Arweinydd fod Covid wedi creu lefel o ansicrwydd a oedd yn ei gwneud yn anodd symud ymlaen. Dywedodd eu bod wedi cael pwysau a newidiadau ychwanegol i'r ffordd eu bod wedi cyflwyno rhai

gwasanaethau a fyddai angen eu hystyried a dod yn rhan o'r asesiad ar gyfer datblygu'r Cynllun Corfforaethol yn y dyfodol.

Dywedodd y Cadeirydd nad oedd unrhyw gwestiynau pellach gan Aelodau'r Pwyllgor i'r Gwahoddedigion ar gyfer yr adroddiad hwn, diolchodd i'r Gwahoddedigion am ddod i'r cyfarfod a dywedodd y gallent adael y cyfarfod.

PENDERFYNWYD: Hynny gan roi sylw i ystyried cynnwys yr adroddiad a'r ymatebion i'r cwestiynau a ofynnwyd, cymeradwyodd y Pwyllgor yr adroddiad.

55. **STRATEGAETH GYFALAF 2022-23 I 2031-32**

Cyflwynodd Prif Swyddog - Cyllid, Perfformiad a Newid yr adroddiad ac esboniodd fod y gwariant a'r buddsoddiad cyfalaf sy'n cael eu hymgymryd gan awdurdodau lleol yn cael eu rheoli gan ddeddfwriaeth. Un gofyniad oedd pob gan bob awdurdod lleol Strategaeth Gyfalaf yn ei lle a dylid dangos tystiolaeth bod y cynlluniau'n fforddiadwy ac yn gynaliadwy. Roedd y Strategaeth Gyfalaf yn cael ei diweddarau'n flynyddol i nodi newid mewn cynlluniau a chyfarwyddiadau ac yna roedd rhaid i'r Cyngor llawn gymeradwyo'r strategaeth.

Gofynnodd y Cadeirydd i'r Aelodau ystyried yr argymhellion ac ychwanegu unrhyw awgrymiadau neu sylwadau ar yr adroddiad ei hun. Gan nad oedd sylwadau na chwestiynau, diolchodd i'r Gwahoddedigion am eu presenoldeb yn y cyfarfod a dywedodd y gallan nhw adael y cyfarfod.

PENDERFYNWYD: Hynny gan roi sylw i ystyried cynnwys yr adroddiad a'r ymatebion i'r cwestiynau a ofynnwyd, Cymeradwyodd y Pwyllgor yr adroddiad.

56. **DIWEDDARIAD BLAENRAGLEN WAITH**

Dywedodd yr Uwch Swyddog Gwasanaethau Democrataidd, Craffu yn dilyn ystyriaeth y Pwyllgor o'r Flaenraglen yn y cyfarfod blaenorol, fod y Flaenraglen Waith wedi'i diweddarau ar gyfer y Pwyllgor hwn wedi'i hatodi fel Atodiad A. Eglurodd fod y Flaenraglen Waith ar gyfer Pwyllgorau Trosolwg a Chraffu Pwnc 1, 2 a 3 hefyd wedi'u hatodi fel Atodiadau B, C a D gan fod gan y Pwyllgor gyfrifoldeb am gydyntu a goruchwyllo'r Flaenraglen Waith yn ei chyfanrwydd.

Atodwyd y Daflen Gweithredu Monitro Argymhellion i olrhain ymatebion i argymhellion y Pwyllgor o gyfarfodydd blaenorol yn Atodiad E.

Nid oedd unrhyw geisiadau i gynnwys gwybodaeth benodol mewn eitemau ar gyfer cyfarfodydd sydd ar y gweill ac ni nodwyd unrhyw eitemau pellach i'w hystyried ar y Flaenraglen Waith ar gyfer gweddill y calendr trefol o gyfarfodydd.

PENDERFYNWYD: Bod y Pwyllgor wedi ystyried a chymeradwyo ei Flaenraglen Waith yn Atodiad A; nododd y Blaenraglenni Gwaith ar gyfer y Pwyllgorau Trosolwg Pwnc a Chraffu yn dilyn ystyriaeth yn y cyfarfodydd perthnasol yn Atodiadau B, C a D a nododd Daflen Weithredu Monitro'r Argymhellion i olrhain ymatebion i argymhellion y Pwyllgor a wnaed yn y cyfarfodydd blaenorol yn Atodiad E.

57. **EITEMAU BRYD**

Dim

Daeth y cyfarfod i ben am 11:43